

清代閨閣詩人徵略

齊代關關詩人徵略

清代闺阁诗人徵略 一函四册

撰者 施淑仪

出版 中国书店

北京琉璃厂西街十八号

印刷 韩营古籍印刷厂

北京大兴

发行 新华书店首都发行所

一九九〇年八月

ISBN 7-80568-146-5/1·33

定价：70.00元

清代閨閣詩人徵略卷九

崇明施淑儀學詩

陳蘭君

蘭君字古香號秋晚上虞人嵊縣舉人童瀚繼室

幼聰慧年十四五卽有詩名謝味農嘗面試宮詞蘭君立成傳誦一時風雅

自矜好作男子妝無兒女態

上虞縣志

程美亭

美亭字美亭上虞人副貢徐虔復室有綠雲館吟草一卷

女史生長京邸歸寶彝明經始南旋寶彝雄於詩深閨倡酬含工叶微一時傳爲韻事惜未久卽逝其詩質秀辭溫豪邁宕逸集中渡黃河渡揚子江金陵懷古諸作一往雄駿格律謹嚴不圖於閨閣中得之

新刊續編

道光辛丑歸徐南下途中遊覽皆紀以詩又嘗於扇中書宮詞百首夜闌人靜輒低聲誦之成婚後一載舉子不育遂得疾不起虔復悼之作落芙蓉曲

并刻其遺詩一卷

上真

洪暉堂

暉堂字素芸鄞人諸生張性安室有聽篁閣存草

孺人葦航先生女也陳大令餘山需次里居常與先生以詩相劇切孺人幼明慧知書大令因授以詩法年十九配張明經家素貧由是疏舳輪勤婦職常得堂上歡平居端謹寡言笑課子女無姑息年四十一偶感疾卽屬治後事易衣盥洗端坐而逝大令爲刪所著序之

兩浙
新刻
續編

周幽貞

幽貞別號柏堂侍史潯縣人諸生錢溥繼室

侍史父名變臣宦中州歷署汝裕州倅侍史任內記室有詩名嘗隨任西華尉廨內署有古柏一本題曰柏堂因以自號及歸錢賓客多以催妝詩索和並置不答曰嗣今當誦教姜語作儒門婦不復親風雅矣子壻著有穀詒堂詩存孫仁瑞等合溥貞詩以聚珍版印行之多在室時筆云

詩雅堂

陳繼儒

繼儒字雲裳號天孫會稽人舉人錢塘高人鳳室有繡餘吟草

孺人秉性聰淑兼通經史比賦于歸力持中饋事舅姑以孝聞長子富年綺

歲登科亦資母教天胡不佑哭子而逝

統部詩

勞蓉君

蓉君字鏡香山陰人舉人勞丙堃女山東鹽運使陳錦室有綠雲山房詩草

女史性至孝自幼工詩故集中多思親之什其他摭懷詠物諸作亦多莊雅

可誦

兩浙詩

李昭敏

昭敏應城人選貢道翼女監生王以圭室有桂閣詩

幼慧能詩通書札適王生二子圭歿矢志守節孝慈兼至闔有雙桂昭敏時

吟詠其下卒年六十七

昭敏有孤適詩示子其婦云婦吟今婦吟今深可傷惜昔佳

羽愛潔白蘭亭飲啄餘韻豈料雲迷洞口迷旅驚寒枝頭芳豔風吹折

傳國終夜引頸惟有微骨常時長空振翅
胡州若與胡表羽純純純純純純純純純純
望城
望城

郭望菰

望菰應城人知縣時亮女縣丞張崇本室

幼隨父讀性聰慧博涉書史字跡端好兼精技黃喜吟詠謂婦人不以筆墨
見長故所作多散佚惟小閣鈔書春晝永高樓禮佛道心清雨餘翠嶂含新
意秋末丹楓帶醉容等句及弔王烈女芷姑七律一章人多傳誦晚年長齋
奉佛邑中望族多延訓女弟子焉

應城志

張緒英

緒英字孟緹陽湖人知縣琦長女刑部員外郎常熟吳廷珍室有澹菊軒集
緯青幽雋婉糾排纂若綺和雅各得先生之一體恭人則纏綿悱惻不失於
愚屬詞比事必達其志節族膏澤多所自得被文采而能高翔矣

包世臣
雙桂集

詞筆秀逸得碧山白雲之神因摘芳集收園秀詩太濫正始集選園秀詩太

簡故另選一帙曰國朝列女詩錄

小樓集卷四

故多疾病恒經月處牀褥益伏枕讀書故鏡臺妝匣衾枕之畔皆簡冊堆積至今以爲常口嘗言讀書不得其解思之竟日夜倦極酣睡晨起輒能解不

自知其所由

張若錦序

淑儀案沈湘佩名媛詩話孟綬詞筆秀逸真得碧山白雲之神壬寅荷花生日余過澹菊軒時孟綬初病起因論夷務未平養癰成患相對扼腕出生日余過澹菊軒時孟綬初病起因論夷務未平養癰成患相對扼腕出其近作念奴嬌半園云後半未成屬余足之余卽續成就孟綬笑云卿詞雄壯不減坡仙余前半太弱恐不相稱余覺雖出兩手氣頗貫串惟孟綬細膩之致予幽莽之狀相形之下令人一望而知爲兩人作也云云其眷懷時局似此求之當時閨閣中所僅見者

張綱英

綱英字緯青琦次女江陰章政平室有緯青遺稿

口口亦言凡讀詩則如身入詩中爲詩則如心游身外身所未歷之境心能

歷之言所未達之情心能會之故其爲詩多有得之於夢寐者
蘇若綺詩序

張綸英

繪英字婉訓琦三女監生同邑孫訪室有綠槐書屋集

性婉柔體瘦弱若不勝衣而下筆輒剛健沉毅不可控制爲二三寸正書神采奕奕端嚴道麗爲分書格勢峭逸筆力沉厚
孫婉訓書題記

由北碑上溯西晉歸於漢人涇包先生慎伯宜與吳先生仲倫湘潭周子堅
離使同里陸先生邵文劉處士廉方並嘆賞之由是書名漸播乞書者無虛

日
上同

每晨起盥沐即據案作書數百字乃啓戶理妝或閉戶就寢盡數百字乃臥
書中夜不寢輒起作書家人勸其少休曰吾一日不作書若有所失欲罷不
能矣
上同

嗜讀書熟精選理中年始爲詩不苟作作輒精詣尤長五言得陶謝神體家
貧相夫子持家所居室簿算刀尺米鹽與書冊相錯非事文墨而曠婦功者

比其詩多家庭骨肉敦勛思念勞苦之篇藹然孝弟友愛纏綿悱惻自肺腑
流出詞潔而體清力道而骨峻當其得志倏與神會讀至紀夢四章蕭然草
萊之中乃有此懷抱豈尙尋常巾幗人耶

蘇志

趙友蘭

友蘭字佩芸一字書卿無錫人同邑王曰室有澹音閣詞

常州詩

天才俊敏氣韻雅逸以近日才媛論之足與花簾相抗衡矣

鍊字精深調音諧暢洵足平視楚章分鍾玉田至跌宕淋漓處壯采豪情又
直入蘇辛之室詞旨氣韻於倚聲家之集腋不差累黍此豈閨閣中所易觀

哉

上同

陳蘊蓮

蘊蓮字慕青江陰人陽湖左昌室有信芳閣詩餘

慕青吟詠之暇猶有餘力爲花鳥寫生適今偕向庭遠宦津門兩人俱有詩
畫相切嗣一時有管趙之譽津門地當畿輔開官清况吏隱恆兼慕青乃以

詩畫易資硯田之潤轉勝於折腰五斗矣由是公卿延譽遐邇傳聞自臺省

封圻以致僚友徵詩求畫紛至沓來口誦手揮得蕭洒倜儻之概

常州詩錄

慕青集中傑作頗多詩書畫皆臻神妙史學甚深伉儷情篤宦隱津門

名媛詩話

劉絮窗

絮窗字□□武進人同邑管□□室

常州管衡若之配劉絮窗阮山先生從姊也耽詩書工吟詠年未四十而殞
曾以儲繡資買唐詩作絕句云遲遲曉日度簾前堪笑年來此性偏滿院秋
光渾不賞金蟾贏得買書錢題自畫秦淮圖云車馬踟蹰殘三月草鶯花閱盡
六朝人閨中不識滄桑境寫到繁華亦怡神送別感賦云理罷雲鬟展轉思
池塘正值夢回時近來詩句如春柳只向東風贈別離其他如門外野桃黃
鳥栗水邊芳草白鷗烟只今籬畔多瓜果翻笑黃花似逐臣瀟瀟一夜紗窗
雨欺盡愁人與落花皆佳句也

蘇子香詞話

任和徵

和徵荆溪人通永道烜女貢生徐麗金室

幼聰慧喜讀詩書有吟秋閣詩存其詠白海棠詩云一叢冷豔逗籬根低怨
吳絃憶故園寵謝東皇賜欲斷春歸西府淚無痕垂絲已著霜枝色高燭空
招月夜魂未許鵲紅爭富貴秋陰深鎖不開門又云卸却春粧色相空阿嬌
無力醉秋風梨雲應遜三分白梅雪猶輸一點紅香抱冰心寒蜀錦睡餘銀
燭豔唐宮枝頭莫染猩猩血淡粉生姿畫未工

別後
志

傅隱蘭

隱蘭字文卿宜興人知縣程嘉杰室

幼慧喜讀每繡餘輒吟詠忘倦諸婦嘲之曰將作女博士耶微笑不應長更
高自期許嘉杰慕其名遂有玉臺之聘嘉杰故名士暇日詩詞唱和律益精
既而從宦江右縉紳夫人及女公子學操翰者多願效焉蒲桃之樹芍藥之
花滿篋盈箱執贊者相接自是程門立雪多詠絮才矣尤好作回文集句工
妙天成前代瑤璣近世蕃錦香屑不多讓也年七十病革命子嗣徵錄生平

所作詩詞付手民自題曰刈蘭吟

直隸志

儲秀玉

秀玉字佩璜荆溪人炳煥女施某室有天香樓小草

幼慧善詩其學吟第一篇落句云鶯囀滿院落殘花後歸施氏遇難死人以爲詩識云

荆溪志

周掌儀

掌儀溧陽人趙彥琳室

幼敏慧好吟詠隨父官闔養彥琳於甥館益專意於詩其嚴陵釣臺云絕無烹狗患祇有釣魚情明妃出塞云夜靜踏殘青海月晚寒望斷玉門秋臨歧轉憶東村女無此茫茫萬里愁伍員吹簫云信口吹殘吳市月無心飢損楚宮腰項莊舞劍云旁觀空有屠龍計當局全無逐鹿情

溧陽志

曹雪芬

雪芬字梅卿丹徒人知縣曹錦女孫諸生瀛女胡玉清室

雪芬少而好學能讀漢書及諸史工詩善書書仿率更體間作楹帖或小楷
摺疊扇以贈大家名媛然不可輕得性至孝父病劇嚙左臂腕肉截方寸許
和藥進之既而父歿哀毀骨立逾年創始合嗜梅成癖宅內有飛香閣嘗手
植梅數百株環繞閣外因自號曰月鋤越十年年二十有八而玉清卒家業
復燬於火生計日蹙更遭時難轉徙流離清操自守惟恃鍼膏以撫孤兒初
玉清卒時氏哭極慟其母撫之曰兒不可不念老身輟泣而對曰母慮兒殉
死耶殉死易撫孤難兒當爲其難者母毋慮也今其子既成立業醫有聲著
有飛香閣詩集廿四史列女合傳各若干卷並燬於寇其贈答諸女件數篇
猶膾炙人口云

丹徒縣志

鄺婉然

婉然丹陽人謫生鄺口女浙江候補縣丞丹徒錢藻廉室

幼習經史能詩通各家古篆工繪事荷花大幅尤爲當時所珍事翁以孝聞

著詩集四卷

丹徒縣志

張友書

友書字靜宜丹徒人諸生張壬女歲貢生崇蘭妹拔貢生陳宗起室有工餘吟草海鷗吟草詩詞集各三卷

母殷氏固能詩故氏幼時卽工吟詠長適拔貢生陳宗起善事孀姑諸姒推美宗起早卒氏撫孤守節教子克勗成孝廉避寇海安女弟子從學者凡數

十人

丹徒縣志

張紉蘭

紉蘭字步澤一字晚香丹徒人友書妹諸生茅度遠繼室

幼卽能詩集若干卷因亂遺失邑人於故紙中獲其一卷卷中有題羅浮仙影一絕云髣髴江南春曉天疏花瘦石總堪憐看花人在寒香裏知是瑤峯第幾仙羅浮仙影者紉蘭之假照也初市有鬻仕女圖者題曰羅浮仙影爲浙江某生手筆度遠見之訝而酬值焉歸以相較眉目精神無不肖肖親族識其面者莫不歎寫照之工但微怪其服飾之不類及聞其故而始釋然詩

云云蓋推美圖中人而不欲以之自況也

丹徒縣志

殷月樓

月樓字筠仙丹徒人殷斯美女朱鴻遠室

幼工古今體詩並精制藝孝事舅姑恪修內職雖夙好不常作也道光丙午
壽且六十其子增讀而梓之爲吟香閣詩鈔二卷思巧而不傷於纖態濃而
不流於俗閱者有以識其性情之正焉

丹徒縣志

陳貞筠

貞筠字蘭卿海寧人克明女桐鄉父長齡室有蘭卿初稿

孺人苦節撫孤里黨稱之五言如對鏡云畫眉郎未慣獨自埽雙鸞詠松云
風霜堅古幹冰雪鍊奇姿其幽閒貞靜之操懔然言表矣

杭三詩

陸珥華

珥華桐鄉人會稽訓導元錚女諸生嚴銓聘室有栽香室詩草

珥華貞靜而慧八歲讀詩經唐詩俱成誦十歲學爲詩出筆韶秀伯父石

公見之曰此吾家女學士也性不喜華飾屏棄粉黛有識以釋年非所宜者則曰自有本來面目安用俗豔爲

新修縣志

陳葆懿

葆懿字純卿號靜宜嘉善人世鈐女山西解州州判桐鄉陸憲曾繼室有綺餘書室詩稿

葆懿能詩工書性至孝世鈐病侍奉不解帶母病劇禱天請代及適陸撫前室子女如已出能得舅姑歡戚黨皆稱其賢

桐鄉縣志

王瑤芬

瑤芬字雲藍婺源人兩淮鹽運使鳳生女雲南順寧知府桐鄉嚴廷鈺室有寫韻樓詩鈔

瑤芬于歸時嚴氏富甲一鄉夫人逮事姑蔡太淑人乘閒言保家之道惟在積善極具中攜有前哲格言呈之堂上勸行育嬰恤嫠及施藥施棺施繇衣諸善舉從此鄉里號嚴氏爲善門晚年歸里又以千金助賑奉旨建樂善好